

M090: Benediktbeurer Glaube u. Beichte I

107v,21 ich geloube an den allemehtigen got . der der schepfære ist
 107v,22 himeles unde der erde . luftes unde wazzeres . unde aller
 107v,23 dere dinge die dâr inne bevangen sint . ich geloube an den
 107v,24 vater unde an den sun . unde an den heiligen geist . ich
 107v,25 geloube . daz die drî genemmede ein wârer got ist ich geloube daz der gotes
 107v,26 sun der dâr ie was ebenhêre unde ebenêwic sînem vater .
 107v,27 daz der geboren wart . in den jungesten zîten . vone sanctae
 107v,28 Marien der êwigen megede . ich geloube daz er hier in werlte
 107v,29 was . wârer got wârer mennische âne sünde . ich geloube daz
 107v,30 er gevangen wart daz er an daz kriuze erhangen wart daz
 107v,31 er dâr an erstarp . ich geloube daz er ze dere helle vuor unde
 107v,32 dâr ûz lôste die er ime erwelet habete . ich geloube daz
 107v,33 er des dritten tages ûf stuont unde daz er sider
 107v,34 hier in werlte was vierzic tage unde vierzic
 107v,35 nahte . ich geloube daz er des vierzigesten tages

108r,1 ze himele vüere . daz er . dâ sitzet ze sînes vater zeswen .
 108r,2 ze sînes vater herscheftete . ich gelouben . daz er . noch komen
 108r,3 schol . ze deme jungesten tage . unde daz ich danne erstên
 108r,4 schol . an deme selben lîbe dâ ich hiute ane schîne .
 108r,5 ich geloube daz ich rede geben schol aller mîner werke . unde
 108r,6 daz ich erteilet schol werden . al nâch mînen . werken .
 108r,7 eintweder ze deme êwigen lîbe oder ze deme êwingen tôde .
 108r,8 ich geloube die gemeinede der heiligen kristenheite . ich
 108r,9 geloube antlâz mîner sündene . obe sie mich rehte geriuwent .
 108r,10 ich geloube den êwigen lîp . ich jihe deme allemehtigen
 108r,11 gote . unde mîner vrouwen sanctae Marien . unde mîneme
 108r,12 hêrren sancte Petrô . unde allen gotes heiligen . unde dir êwart
 108r,13 aller mîner sündene . die ich ie gevrûmete swie ich [sie] gevrûmete
 108r,14 wizzente oder unwizzende . slâfente oder wachente
 108r,15 dankes oder undankes oder swie sô ich sie gevrûmete
 108r,16 sô ergibe ich [mich] hiute schuldigen aller dere sündene
 108r,17 die mennische gevrûmen mac . in gedanken . in worten . in
 108r,18 werken . ich jihe deme allemehtigen gote unde allen
 108r,19 sînen heiligen . swaz sô ich ie übeles getete . daz daz mîn
 108r,20 schult was . ob ich ie iecht guotes getete daz daz sîn genâde
 108r,21 was . ich geheize deme allemehtigen gote . mîn garwez
 108r,22 herze mînen offenen willen mîner sündene mich ze geloubenne

- 108r,23 unde alsô verre ze vermîdenne sô mich sîn genâde gesterket . unde . mîn
mennischheit
- 108r,24 mir verhenget . ich bite gewegedes unde gedinges mîne vrouwen
- 108r,25 sancte Marien mînen hêrren sancte Petrum unde alle gotes heiligen daz sie
- 108r,26 mir des helfente sîn daz ich sô lange gevristet werde unze ich
- 108r,27 mîne sünde rehte geriuwe unde rehte gebüeze . ich bite alle
- 108r,28 die mich hiute hier gesehent ode gehoerent sôwie sô mîn tac mich begrîfe
- 108r,29 unde mîn ende daz sie mir des urkünde sîn . ze deme jungesten
- 108r,30 tage daz ich hiute hier schîne in wâren riuwen in rehtere
- 108r,31 bekantnusse mîner sündene .